



Tekst Aestersjlager 2010 – Vastelaovendj Verkesechtig Viere!

Couplet 1:

`t Is zóndigmörge vääol te vreug, ich bön al oet mien bèd
`t pekske aan, de schmink al op, ich pak gaw `n trómpèt.
En den te voot, op nao de Mert, van wo de optoch trèktj.
Ein blikske beer, ein blökske kieës en ouch nog get kawd spek
de vastelaovendj geit noe loos, det vènje weer te gek.

Refrein:

Vastelaovendj verkesechtig viere
det duit toch ederein.
Weer gaon noe vastelaovendj verkesechtig viere
in polonaise achterein.
Weer gaon noe vastelaovendj verkesechtig viere
mit in miene kraag ein stök.
Weer gaon noe drie daag lang sjoaje door `t Aesterriek
gans haer en den weer trök.

Couplet 2:

Vandaag al is de maondig d'r, begin mit goje mood
de ieëste kater is d'r al, vääol alcohol in mien blood.
Ich loup weer richting groate straot, want dao is `t te doen.
Op nao die sjoane sjuur, det is op maondig hieël gewoon.
bie `t verkesbal veul ich mich thoes, wat is `t hie toch sjoan.

Refrein

Couplet 3:

De wèkker dae geit vreug vandaag ich mótt d'r noe ech oet
ich kiek gaw in de spegel, waat zit dao nog op mien snoet.
De schmink van gister ging neet draaf, zit ouch nog op mien bloes.
Mit de pyjama nog stieëds aan, loup ich noe weer van hoes
`t pyjamabal geit noe van start: "Veer pils ein piepke sjoes!"

Refrein

Tekst: Wiro Geerlings
Muziek: Johan Geerlings
Uitvoering: Sociëteit Sus Scrofa